



## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Pensionarius.

**urn:nbn:de:hbz:466:1-10447**

## PENSIONARIUS.

## P O E N A.

**P**rimò, pensionarius debet clericaliter vivere cum habitu, & tonsura clericali, nisi in aliquam militiam se conferret, debet esse legitimus, & recitare Officium Beatæ Virginis, prout Bulla Pii V. relata à Navar. *cap. 2 §.* Potest petere pensionem, non exactam à prædecessore, à successore, si valor expressus fuit minor, debet minorem pensionem tenere per recompensationem pro expeditione Bullarum, Nav. *conf. 3, de honest. cler. conf. 61. de sim. conf. 1. & 2. de solut. conf. 13. de rescript. tenetur pro rata ad reparationem Ecclesiæ, nisi pensio sit libera ab omni onere, conf. 1. de Eccles. adific. debetur, quando est constituta, habita, vel non habita possessione beneficii à beneficiato, quando hoc fuit appositum in facto, conf. 32. num. 4, de præb. potest solvi per solam signaturam in conscientia, nisi forma obstat, conf. 6. de nunc. conf. 55, de simon. conf. 2, de pact. conf. 2, de sol. si quis vellet redimere pensionem absque licentia Papæ, licet hoc fieri nequeat, tamen si fiat, non incurritur excommunicatio imposita contra simoniacos, conf. 59. 60. & 62. de simon.*

Secundò, pensionarius potest disponere de redditibus expensione ecclesiastica perceptis in testamento, & eo intestato succedunt hæredes ad eisdem *in c. cum officio, n. 6. de testam. Sig. de pensio. q. 52.* quod tamen negat posse fieri de beneficio simplici, & hoc quia pensio non cadit in materia beneficii.

**P**rimò, solet quis aliquando emittere votum pœnale, ut si lusero tali ludo, solvam centum tali Ecclesiæ: si contrafecerit, & venerit Jubilæum, in quo conceditur commutatio votorum, an possit tunc confessarius dictum votum ex causa commutare tali Jubilæi auctoritate?

Respondetur, quòd sic, sed non remittere pœnam incursum ob illius fractionem, quia à diversis, & separatis non fit illatio, *l. Pap. ff. de minor. c. ad audientiam, de decim. Nav. conf. 31. de votatio est, quia in Jubilæis datur facultas commutandi vota, & non remittendi transgressiones pœnales, hoc tamen fallit in Episcopo, qui potest & vota commutare præter excepta, & pœnam ex causa relaxare, prout *in c. de pen. & remis. non omittam, quòd hunc casum habui Surrenti, quidam Nobilis vocit Confraternitati sanctissimi Sacramenti, se soluturum centum, si luderet, postea contrafecit, Archiepiscopus illius civitatis fecit eum vocare Neapoli in magna Curia Vicariæ, ut eum cogeret ad solvendum dictam pœnam, verum ab ea fuit decretum non deberi, quia pœna non debetur, nisi quatenus concurrat interesse, ut dixi superius, in ver. pœna.**

Secundò, pœna privationis beneficii, vel præsentandi, vel eligendi in jure patronatus, vel depositionis, non debet imponi, nisi ibi reperitur expressum in jure, notat Abb. & gloss.